

## Hukuman Gantung Terus Dijalankan

Mahkamah Keamanan Negara Kaherah yang lebih bermakna sebagai mahkamah tentera seperti yang disebut oleh seorang pegawai “Amnesty International” itu yang telah menjatuhkan hukuman bunuh kepada Sayyid Qutb dan tujuh orang rakannya pada 22 Ogos 1966 yang baharu lalu dan hukuman itu dijalankan pada 28 Ogos sekalipun seluruh dunia Islam meminta kepada Gamal Abdel Nasser, Presiden Republik Arab Bersatu mengampunkan mereka. Tiga orang daripadanya telah digantung iaitu al-Shahīd Sayyid Qutb, Abdul Fatah Ismail dan Muhammad Yusuf Huwasy.

### Dari Sisi Kaabah

Sebelum hukuman itu dijatuhkan bertalu-talu telegram dihantar kepada Gamal Abdel Nasser dari serata dunia termasuk Jami‘yah al-Da‘wah al-Islāmiyah Singapura.

Setiausaha Agung al-Rābiṭah al-‘Ālim al-Islāmi: al-Shaykh Muhammad Surur al-Sabban telah mengutus XXX<sup>1</sup> pada 7 Jamādi al-Awwal 1386 yang berbunyi seperti di bawah:

“Daripada sisi Baitullah al-Harām yang Allah jadikan tempat keamanan bagi manusia, atas nama al-Rābiṭah al-‘Ālim al-Islāmī kami menghadapkan seruan kami kepada tuan dengan harapan supaya tuan mengeluarkan perintah bagi membatalkan hukuman bunuh yang telah dijatuhkan kepada beberapa orang anggota Ikhwān dengan mengingatkan kepada tuan akan firman Allah Ta‘āla yang berbunyi: *Al-ladhīna yunfiqūna fi al-sarrā’ wa al-dhārrā’ wa al-kāzimīn al-ghayz wa al-‘afīn ‘an al-nās wa Allāh yuhibb al-muhsinīn.* (Ertinya – orang-orang yang bersedekah di waktu senang dan susah dan menahan marah dan memaafkan manusia

dan Allah itu kasih kepada mereka, yang berbuat kebajikan). Allah memberi taufik kepada tuan mengambil perangai yang mulia ini.”

### Dari Lubnan

Beberapa buah surat kabar-surat kabar Lubnan telah menentang dengan hebat keputusan yang telah diumumkan oleh Mahkamah Keamanan Negara Republik Arab Bersatu di Kaherah yang telah menjatuhkan hukuman mati kepada Sayyid Qutb dan rakan-rakannya. Di antara lain-lain akhbar-akhbar itu menegaskan: Walaubagaimana keras tindakan menekan dan memeras yang dilakukan kerajaan Mesir, namun semangat rakyat ingin hidup secara bebas takkan dapat ditahan.

### Dari Sudan

Kerajaan Sudan telah menuntut kepada Gamal Abdel Nasser membatalkan hukuman yang begitu berat dilaksanakan.

### Dari London

Sementara itu pada 26 Ogos seramai 200 orang pelajar-pelajar Islam yang menuntut ilmu di bandar London telah menunjukkan perasaan perasaan dengan berjalan

beramai-ramai membawa sepanduk-sepanduk menuju ke kedutaan Iraq kerana membantah atas keputusan Mahkamah Keamanan Negara Kaherah terhadap kepada anggota-anggota Ikhwān al-Muslimīn dengan beratnya itu.

Perarakan itu bertujuan menuntut supaya hukuman itu dibatalkan dan membebaskan orang-orang yang dituduh itu daripada tahanan. Mereka menganggap dan memandang hukuman itu kejam dan zalim.

Penunjuk-penunjuk perasaan itu telah menghantar beberapa pucuk telegram kepada ketua-ketua negara Arab, kepada Setiausaha Agung Persatuan Negara-Negara Afrika mendesak mereka campur tangan untuk menuntut kepada pihak yang berkuasa Republik Arab bersatu bagi membatalkan hukuman-hukuman itu.

Patut diingat pejabat kedutaan Iraq di London adalah menjadi wakil bagi mengurus soal-soal mengenai Republik Arab Bersatu di Britain setelah perhubungan negara itu putus pada tahun yang lalu.

### Dari Yaman

Gabungan Tenaga Rakyat Yaman telah

<sup>1</sup> perkataan tidak dapat dibaca